

Allsherjarnefnd Alþingis
formaður Sólveig Pétursdóttir
Alþingi v/ Austurvöll
150 Reykjavík.

Alþingi
Erindi nr. Þ 121 / 1356
komudagur 714 1997
714

Reykjavík 2. apríl 1997

Efni: 301. mál frumvarp um stöðu, stjórn og starfshætti þjóðkirkjunnar.

Sóknarnefnd Grafarvogssafnaðar vill koma á framfæri við háttvirta allsherjarnefnd Alþingis eftirfarandi óskum og ábendingum:

Þann 1. desember s.l. voru íbúar í Grafarvogssókn 12.900 og þar af voru 7.110 skráðir sóknarbörn í þjóðkirkjunni, þ.e. voru 16 ára eða eldri og skráðir í þjóðkirkjuna. Hverfið er mjög ungt og fjölgun þar mjög ör og má nefna að á síðasta ári fjölgaði um 1.100 manns í hverfinu eða um eins og eitt bæjarfélag á landsbyggðinni. Þá er hverfið byggt frekar ungu fólki og er það meginskýring á því lága hlutfalli sem skráð er í þjóðkirkjuna m.v. heildaríbúatölu, þ.e. mikið er um ung börn og unglíng. Það krefur hins vegar kirkjuna um mjög viðamikil starf og er reynt að koma sem mest til móts við það og er starfsemi Grafarvogssafnaðar mjög öflugt. Við Grafarvogskirkju starfa nú tveir prestar, organisti og kirkjuvörður auk annarra starfsmanna sem sinna í íhlaupum störfum tengdum þeirri starfsemi sem fram fer í kirkjunni.

Á aðalsafnaðarfundi Grafarvogssóknar, sem haldinn var í Grafarvogskirkju sunnudaginn 15. sept. s.l. var eftirfarandi tillaga samþykkt samhljóða:

“Fundurinn samþykkir að leitast verði við að koma upp kirkjuseli, (safnaðarheimili) í Borgarholtshverfi.

Vegna fjölda sóknarbarna verði sótt um annað aðstoðarprestsembætti. Með því að fjölga starfsmönnum er meiri möguleiki á að vinna að uppbyggingu safnaðarins, fremur en að einbeita sér að fleiri kirkjubyggingum í sókninni. Grafarvogskirkja mun geta sinnt öllum þörfum safnaðarins, þá og ef safnaðarheimili (kirkjuskjól-kirkjusel) væri til staðar í Borgarholtshverfi.

(Ekki er ólíklegt að fleiri slík kirkjusel gætu risið t.d. þegar að ný byggð hefur risið í Grafarholti, sem tilheyrir Árbæjarsókn og ef byggð mun rísa við Vatnsenda í Seljasókn.)

Með því að reisa slík sel, væri hægt í framtíðinni að leggja enn meiri áherslu á starfið, fremur en að reisa kirkjubyggingar.”

Afrit af þessari samþykkt hafa verið send biskupi, prófasti og héraðsnefnd.

Sóknarnefndin vill vekja athygli háttvirtrar allsherjarnefndar Alþingis á að í lögum um skipan prestakalla og prófastdæma og um starfsmenn þjóðkirkju Íslands nr. 62, 17. maí 1990 3. gr. 1. mgr. er ráðherra veitt heimild til að ráða prest til aðstoðar sóknarpresti í sóknum þar sem íbúafjöldi fer yfir 4.000 og að þegar íbúafjöldi sóknar er kominn yfir 8.000 skal sókninni að jafnaði skipt.

Í ljósi þessa er ljóst að Grafarvogssókn er komin yfir þessi mörk og ætti því í raun að vera tvær sóknir og hvor um sig með tvo presta. Þetta er ekki raunin og er í reynd alls ekki krafa sóknarnefndar eða sóknarbarna í Grafarvogi heldur er óskin sú sem fram kom í samþykkt aðalsafnaðarfundar frá því s.l. haust að fá þriðja prestinn og síðan að byggja safnaðarheimili víðar í hverfinu en auka starfið og fullnýta þá kirkju sem nú er í byggingu.


Þessu máli er komið á framfæri við háttvirta allsherjarnefnd í því augnamiði að óska eftir lagfæringu á fjölda þeirra prestembætta sem ríkið ætlar að greiða og fram kemur í samningi ríkisins og þjóðkirkjunnar sem fjallað er um í tengslum við frumvarpið um stöðu, stjórn og starfshætti þjóðkirkjunnar, mál 301.

Það er ósk sóknarnefndar Grafarvogssóknar að tölunni verði breytt úr 138 prestembættum í 139 embætti. Þetta er gert í ljósi þess, eins og áður hefur komið fram, að nú þegar átti að vera komið eitt embætti í Grafarvog og efnt í annað í viðbót. Verður að líta svo á að við ákvörðun þessarar tölu þ.e. 138 hafi þetta farið framhjá þeim aðilum sem um málið fjölluðu.

Fulltrúar sóknarnefndar eru þess reiðubúnir að koma á fund nefndarinnar og útskýra málið ef þess verður óskað, en að öðru leiti óskar sóknarnefndin eftir að mál þetta fái framgang hjá háttvirtri allsherjarnefnd.

Með innilegum kveðjum,

Formaður sóknarnefndar
Grafarvogssóknar



Bjarni Kr. Grímsson